

SOALAN NO. : 14

**DEWAN RAKYAT
PARLIMEN MALAYSIA**

PERTANYAAN : LISAN

DARIPADA : DR. AZMAN BIN ISMAIL

TARIKH : 20 MAC 2018 (SELASA)

SOALAN:

Dr. Azman Bin Ismail minta **MENTERI SUMBER ASLI DAN ALAM SEKITAR** menyatakan purata masa yang diperlukan untuk menyelesaikan isu tuntutan harta pusaka di Malaysia. Apakah usaha-usaha yang telah dilakukan untuk memudahkan penyelesaian isu tuntutan harta pusaka ini .

JAWAPAN:

Tuan Yang di-Pertua,

Pada masa kini, JKPTG yang bertanggungjawab dalam pengurusan harta pusaka kecil di Malaysia menetapkan sasaran penyelesaian setiap tuntutan harta pusaka kecil dalam tempoh 4 bulan, berdasarkan pencapaian KPI tahun sebelum ini yang menunjukkan 80% dari jumlah permohonan yang diterima dapat diselesaikan dalam tempoh 4 ½ bulan.

Menjelang tahun 2020, JKPTG mensasarkan penyelesaian setiap kes dikurangkan kepada tempoh yang lebih singkat ke arah 2 bulan dengan inisiatif berikut;

- i) Pindaan undang-undang kepada Akta Harta Pusaka Kecil (Pembahagian)(Pindaan 2018) dan Peraturan-Peraturan Harta Pusaka Kecil (Pembahagian) dengan fokus utama memberikan lebih pilihan dan kemudahan kepada rakyat;
- ii) Penambahbaikan sistem MyeTaPP (Sistem Pengurusan Tanah Persekutuan dan Pusaka) dengan pelaksanaan integrasi antara agensi dan permohonan secara atas talian (*online*) dikuatkuasakan secara berperingkat;
- iii) Penambahbaikan dalam *Standard Operational Procedure* (SOP) melalui pelaksanaan ISO 9001:2015 ke seluruh Unit Pembahagian Pusaka.

Sekian, terima kasih.